

MAFANIKIO YA MITUME NO.2

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

MAFANIKIO YA MITUME

?Ni dalili gani zilizowasaidia Mitume kuweza kufikisha ujumbe wao kwa wanaadamu*

MAFANIKIO YA MITUME YA MWENYEEZI MUNGU NO.2

Katika makala iliyopita tulielezea kwa ufupi kuhusu mafanikio ya Mitume, katika makala hii tutaendelea na mada yetu hiyo hiyo, ama kwa kubainisha kwa kina sababu zilizopelekea Mitume kufanikiwa katika kufikisha ujumbe wao na malinganio yao ya kuwataka wanaadamu wamuabudu Mola mmoja tu. miongoni mwa sababu hizo zilizopelekea mafanikio katika
-:kufikisha ujumbe ujumbe wao ni hizi zifuatazo

UKWELI NA UAMINIFU .1

Ukweli na uaminifu ni dalili muhimu zinazowafanya watu waamini na wawe na uhakika ya kile wanachobashiriwa, kama tunavyoona ukweli na uaminifu wa Nabii Yussuf ulimfanya yeye apewe cheo cha kuwa waziri katika kasri nchini Misri, na akawa waziri wa Mfalme wa nchi ya
-:Misri. Mfalme huyo kuhusiana na Nabii Yussuf anasema hivi

وَقَالَ الْمَلِكُ ائْتُونِي بِهِ اَسْتَخْلِصُهُ لِنَفْسِي فَلَمَّا كَلَّمَهُ قَالَ اِنَّكَ الْيَوْمَ لَدَيْنَا مَكِينٌ اَمِينٌ[1]

Basi mfalme akasema: Mleteni kwangu, awe wangu mwenyewe khasa. Basi alipo msembeza
.alinena: Hakika wewe leo umekwisha tamakani kwetu na umeaminika

Mitume walikuwa ni watu maarufu kutokana na ukweli na uaminifu wao, na walipokuwa wakiwalingania watu katika dini ya Mwenyeezi Mungu walizungumzia kuhusu ukweli na uaminifu, hii iliwapelekea watu kuwaamini na kuwatii, na wao waliwataka watu hao kumtii na kumcha Mwenyeezi Mungu, kama tunavyosoma ndani ya Qur-ani kuhusiana na Nabii Nuhu

-:(a.s

إِذْ قَالَ لَهُمْ أَخُوهُمْ نُوحٌ أَلَا تَتَّقُونَ. إِنِّي لَكُمْ رَسُولٌ أَمِينٌ. فَاتَّقُوا اللَّهَ وَأَطِيعُوا [2]

Alipo waambia ndugu yao, Nuhu: Je! Hamchimngu? .Hakika mimi kwenu ni Mtume muaminifu.
.Basi Mcheni Mwenyezi Mungu, na nit'iini mimi

UPENDO NA HURUMA .2

Upendo ni sifa moja wapo inayojenga umoja ndani ya nyoyo za wanaadamu, kama
-:(anavyosema Allah (s.w) kuhusu upendo wake kwa Nabii Mussa (a.s

أَنِ افْذَرِيهِ فِي التَّابُوتِ فَأَفْذَرِيهِ فِي الْيَمِّ فَلْيُلْقِهِ الْيَمُّ بِالسَّاحِلِ يَأْخُذْهُ عَدُوٌّ لِّي وَعَدُوٌّ لَهُ وَالْقَيْتُ عَلَيْكَ مَحَبَّةٌ مِّنِّي وَلِتُصْنَعَ عَلَيَّ عَيْنِي [3]

Ya kuwa mtie katika kisanduku, na kisha kitie mtoni, na mto utamfikisha ufukweni.
Atamchukua adui yangu naye ni adui yake. Na nimekutilia mapenzi yanayo tokana kwangu, na
.ili ulelewe machoni mwangu

Mitume ya Mwenyezi Mungu ilikuwa na huruma na mapenzi na watu wao, na walikuwa
wakisikitika wanapoona watu wao wanapata tabu, kama tunavyosoma kuhusu Mtume
-:(Muhammad (s.a.w.w

لَقَدْ جَاءَكُمْ رَسُولٌ مِّنْ أَنْفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ بِالْمُؤْمِنِينَ رَؤُوفٌ رَّحِيمٌ [4]

Hakika amekwisha kujieni Mtume kutokana na nyinyi wenyewe; yanamhuzunisha yanayo
.kutaabisheni; anakuhangaikieni sana. Kwa Waumini ni mpole na mwenye huruma

:Maelezo kuhusiana na Aya

hapa zinatajwa baadhi ya sifa za Mtume Muhammad (s.a.w.w) kuwa yeye kwa umma wake ni*
,kama mzazi

;a) Anataabika akiishi kuwa umma wake unataabika au utataabika

.b)Ana pupa utengene upele upele

c)Ana rehema na huruma juu yao. Almuradi ni kama mzee na watoto wake .mapenzi na
huruma ya Mitume ni kama nuru inayoingia nyoyoni mwa wanaadamu, na wanaadamu hao
huwa na imani ya Mitume hiyo na kukubali yale wanayoongozwa na watukufu hao. Katika Qur-
-:ani tunasoma

فَبِمَا رَحْمَةٍ مِّنَ اللَّهِ لِنْتَ لَهُمْ وَلَوْ كُنْتَ فَظًّا غَلِيظَ الْقَلْبِ لَانفَضُّوا مِنْ حَوْلِكَ فَاعْفُ عَنْهُمْ وَاسْتَغْفِرْ لَهُمْ وَشَاوِرْهُمْ
فِي الْأَمْرِ فَإِذَا عَزَمْتَ فَتَوَكَّلْ عَلَى اللَّهِ إِنَّ اللَّهَ يُحِبُّ الْمُتَوَكِّلِينَ [5]

Basi ni kwa sababu ya rehema itokayo kwa Mwenyezi Mungu ndio umekuwa laini kwao. Na lau ungeli kuwa mkali, mwenye moyo mgumu, bila ya shaka wangeli kukimbia. Basi wasamehe, na waombee maghfira, na shauriana nao katika mambo. Na ukisha kata shauri basi mtegemee .Mwenyezi Mungu. Hakika Mwenyezi Mungu huwapenda wanao mtegemea

Hapa Mwenyeezi Mungu anamtia nguvu Mtume kuendelea na sifa yake ya upole na* ustahamilivu juu ya yote yale anayofanyiwa na watu, na anamuonyesha kuwa kupewa upole .huo ni rehema kubwa inayotoka kwa Mwenyeezi Mungu

Surat Yussuf Aya ya 54 [1]

Surat shuaraa Aya ya 106-108 [2]

Surat Taha Aya ya 39 [3]

Surat Tawba Aya ya 128 [4]

Surat Al-Imrani Aya ya 159 [5]

MWISHO